

(“Službene novine Federacije BiH”, broj 6/98)

ZAKON O OGRANICENOJ UPOTREBI DUHANSKIH PRERADJEVINA

I OSNOVNE ODREDBE

Clan 1.

Ovim zakonom uredjuje se ogranicena upotreba duhanskih preradjevina, obaveze proizvođača, zabrana reklamiranja i prodaje duhanskih preradjevina i druga pitanja u cilju zaštite i unapredjenja zdravlja građana od štetnog djelovanja duhanskih preradjevina.

Clan 2.

Duhanskim preradjevinama, u smislu ovog zakona, smatraju se: 1. cigarete, 2. cigare, 3. cigarilosi, 4. duhan za lulu i duhan za pušenje, 5. duhan za smrkanje i zvakanje, i 6. druge duhanske preradjevine.

II ZABRANA UPOTREBE DUHANSKIH PRERADJEVINA

Clan 3.

Upotreba duhanskih preradjevina (u daljem tekstu: pušenje) zabranjuje se u:

1. odgojnoobrazovnim ustanovama,
2. ustanovama za smještaj i boravak djece i studenata,
3. zdravstvenim ustanovama,
4. socijalnim ustanovama,
5. drugim javnim ustanovama.

Zabrana pušenja iz stava 1., ovog člana odnosi se na sve federalne, kantonalne, gradske i općinske organe i institucije. Zabrana pušenja iz stava 1. ovog člana odnosi se i na preduzeć a i druga pravna lica gdje se obavlja proizvodni proces. Zabrana pušenja odnosi se i na radne prostorije preduzeća i drugog pravnog lica u kojima se odvija rad sa strankama, odnosno u kojima rade dva ili više radnika od kojih je najmanje jedan nepusac. U ustanovama, preduzećima i drugim pravnim licima iz st. 1, 2. i 3. ovog člana pušenje je dozvoljeno u posebno odredjenim prostorijama za pušenje.

Clan 4.

Zabrana pušenja odnosi se i na zatvorene objekte u kojima se: 1. održavaju kulturne, zabavne, sportske i druge manifestacije, priredbe i takmicjenja, 2. vrši snimanje i emitiranje, 3. održavaju sjednice i drugi organizirani skupovi građana, osim u za to odredjenim prostorijama u smislu člana 3. stava 2. ovog zakona.

Clan 5.

U ugostiteljskim objektima gdje se vrši usluživanje hrane utvrđuju se posebne prostorije za pušenje. Pušenje je zabranjeno u slasticarnicama i mlijecnim restoranima.

Clan 6.

Pusenje se zabranjuje i u: 1. sredstvima u kojima se vrši javni prijevoz u cestovnom saobraćaju (uključujući i sredstva gradskog saobraćaja); 2. sredstvima u kojima se vrši javni prijevoz u željezničkom i zračnom saobraćaju i unutrasnjoj plovidbi osim u posebno određenim prostorijama za pusenje; 3. zicarama; 4. liftovima. Pusenje se zabranjuje i u stanicnim objektima, osim u posebno određenim prostorijama za pusenje.

III OBAVEZE PROIZVODJACA

Clan 7.

Zabranjena je proizvodnja i prodaja duhanskih preradjevina koje na ambalazi nemaju na vidnom mjestu istaknut podatak o tome koliko miligrama katrana i nikotina sadrže. Podatak iz stava 1. ovog člana mora biti odstampan u boji koja se razlikuje od podloge, slovima koja su velika najmanje 2 mm.

Clan 8.

Proizvodjaci i uvoznici duhanskih preradjevina dužni su da na originalnom pakovanju, na prednjoj strani proizvoda, stave oznaku upozorenje: "PUSENJE JE STETNO ZA ZDRAVLJE". Pored oznake upozorenja iz stava 1. ovog člana, duhanske preradjevine u prodaji moraju, na bočnoj strani originalne ambalaze, imati odstampano i jedno od slijedećih upozorenja: "Pusenje skraćuje život", "Pusenje prouzrokuje rak pluća i bolesti srca", "Pusenje u trudnoći škodi razvoju djeteta". Oznaka upozorenje iz st. 1. i 2. ovog člana mora biti odstampano u boji koja se razlikuje od podloge i ne smije biti na dijelu ambalaze koja se otvara, kao ni na dijelu koji se pri otvaranju unisti.

IV ZABRANA REKLAMIRANJA

Clan 9.

Zabranjeno je reklamiranje duhanskih preradjevina u štampi, na radiju i televiziji, putem bioskopskih dijapozitiva, filmova, panoa, tabli, naljepnica i drugih oblika reklame na javnim mjestima, na objektima i sredstvima prijevoza (saobraćaja) putem svjetlećih reklama, knjiga, časopisa, kalendara i odjevnih predmeta, uključujući i sponzoriranje sportskih, kulturnih i drugih javnih priredbi od strane preduzeća koja se bave proizvodnjom i prodajom duhanskih preradjevina.

Clan 10.

Ne smatra se reklamiranjem iz predhodnog člana objavljivanje obavijesti o kvalitetu u drugim svojstvima duhanskih preradjevina u stručnim knjigama, časopisima i drugim publikacijama koje su namijenjene isključivo proizvođačima ili prodavcima duhanskih proizvoda. Reklamiranjem se ne smatra ni isticanje firme proizvođača.

Clan 11.

Proizvodjaci i prodavci na veliko mogu obavijestiti građane, u trajanju najduže 15 dana, o pojavi na tržištu nove vrste duhanske preradjevine. Novom vrstom duhanske preradjevine, u smislu stava 1. ovog člana, smatraju se duhanske preradjevine koje imaju smanjenu količinu katrana za 10 ili više postotaka od istovrsnih duhanskih preradjevina koje su u prodaji, a koje

imaju najnizu kolicinu katrana i nikotina. Informacije iz stava 1. ovog clana ne mogu se objavljivati na radiju ili televiziji kao ni u publikacijama namijenjenim pretežno mladim.

V ZABRANA PRODAJE

Clan 12.

Zabranjuje se prodaja duhanskih preradjevina u objektima koji su od predškolskih i školskih ustanova udaljeni manje od 100 m i koji su smješteni unutar sportskorekreativnih površina. Zabranjuje se prodaja duhanskih preradjevina: osobama mladim od 15 godina, iz automatskih aparata, koje nisu u originalnom pakovanju proizvođača, koje se prodaju u rasutom (rifuznom) stanju i koje ne sadrže oznaku upozorenje iz čl. 7. i 8. ovog zakona.

VI NADZOR

Clan 13.

Nadzor nad primjenom ovog zakona obavlja: 1. Sanitarna inspekcija nad primjenom odredaba člana 3. stav 1., člana 4. tac. 1. i 2. i čl. 5. i 6.; 2. Inspekcija rada nad primjenom odredaba člana 3. st. 2. i 3. i člana 4. tacka 3.; 3. Trzisna inspekcija nad primjenom odredaba čl. 7, 8, 9, 11. i 12. ovog zakona. Nadzor nad primjenom čl. 7. i 8. ovog zakona pri uvozu duhanskih preradjevina obavlja Federalno ministarstvo finansija Carinska uprava. Ako nadležni inspeksijski organi iz stava 1. tacke 3. ovog člana utvrdi da se duhanske preradjevine prodaju, odnosno reklamiraju protivno odredbi čl. 7, 8, 9, 11. i 12. ovog zakona, donijet će rješenje o zabrani prodaje, odnosno reklamiranja. Zalba protiv rješenja iz stava 3. ovog člana ne odlaze izvršenje rješenja. Troškove izvršenja snosi izvršenik.

VII KAZNE NE ODREDBE

Clan 14.

Novčanom kaznom od 1.000 do 5.000 KM kaznit će se za privredni prijestup preduzeće ili drugo pravno lice koje se bavi proizvodnjom, uvozom i prometom duhanskih preradjevina, ako: 1. suprotno zakonu, na originalnom pakovanju duhanskih preradjevina ne istakne podatak iz člana 7. i upozorenje iz člana 8. ovog zakona, odnosno ako prodaje duhanske preradjevine suprotno članu 12. stavu 2. ovog zakona; 2. suprotno odredbi čl. 9, 10. i 11. ovog zakona vrši reklamiranje duhanskih preradjevina. Za privredni prijestup iz stava 1. ovog člana kaznit će se novčanom kaznom od 250 do 500 KM i odgovorno lice u pravnom licu.

Clan 15.

Novčanom kaznom od 500 do 2.000 KM kaznit će se za prekršaj ustanova, preduzeće i drugo pravno lice, odnosno fizičko lice, ako ne zabrani pušenje i ne odredi prostorije za pušenje u roku iz člana 19. ovog zakona. Za prekršaj iz stava 1. ovog člana kaznit će se novčanom kaznom od 100 do 150 KM i odgovorno lice u pravnom licu.

Clan 16.

Novčanom kaznom od 500 do 1.000 KM kaznit će se za prekršaj preduzeće, drugo pravno, odnosno fizičko lice ako prodaje duhanske preradjevine suprotno odredbi člana 12. stav 1.

ovog zakona. Za prekršaj iz stava 1. ovog člana kaznit će se novčanom kaznom od 100 do 150 KM i odgovorno lice u pravnom licu.

Član 17.

Novčanom kaznom od 30 KM kaznit će se na licu mjesta fizičko lice koje pusi u: 1. ustanovama, preduzecima i drugim pravnim licima iz člana 3. ovog zakona; 2. objektima iz člana 4. ovog zakona; 3. ugostiteljskim objektima iz člana 5. ovog zakona; 4. sredstvima prijevoza i stanicnim objektima iz člana 6. ovog zakona. Novčanu kaznu iz stava 1. ovog člana naplacuje inspektor koji vrši neposredni nadzor u skladu sa članom 13. ovog zakona.

Član 18.

Novčane kazne utvrdjene ovim zakonom, do pustanja u opticaj KM, mogu se placati u DEM ili u protuvrijednosti valuta koje se koriste u platnom prometu na teritoriji Federacije Bosne i Hercegovine po srednjem tečaju koji utvrđuje i objavljuje nadležna finansijska institucija na dan placanja.

VIII PRIJELAZNE I ZAVRSNE ODREDBE

Član 19.

Ustanove, preduzeca i druga pravna lica dužna su istaci znak zabrane pušenja i odrediti prostorije za pušenje u objektima iz čl. 3, 4, 5. i 6. stav 2. i sredstvima prijevoza iz člana 6. stav 1. ovog zakona u roku od 30 dana od dana stupanja na snagu ovoga zakona. Obaveza iz stava 1. ovog člana odnosi se i na fizičko lice koje obavlja djelatnost licnim radom u objektima iz člana 5. ovog zakona.

Član 20.

Proizvodjaci i uvoznik duhanskih preradjevina dužni su na originalnom pakovanju duhanskih preradjevina istaknuti podatak iz člana 7. i upozorenje iz člana 8. ovog zakona u roku od 3 mjeseca od dana stupanja na snagu ovog zakona.

Član 21.

Danom stupanja na snagu ovog zakona prestaje na teritoriji Federacije Bosne i Hercegovine primjena odredbe člana 33. Zakona o zaštiti na radu ("Službeni list SRBiH", broj 22/90), kao i odredbe čl. 17. i 18. Zakona o zdravstvenoj ispravnosti životnih namirnica i predmeta opće upotrebe ("Službeni list RBiH", broj 2/92) u dijelu koji se odnosi na zabranu reklamiranja duhana i duhanskih preradjevina.

Član 22.

Ovaj zakon stupa na snagu osmog dana od dana objavljivanja u "Službenim novinama Federacije BiH".

(“Službene novine Federacije BiH”, broj 35/98)

**ZAKON O IZMJENAMA I DOPUNAMA ZAKONA O OGRANICENOJ
UPOTREBI DUHANSKIH PRERADJEVINA**

Clan 1.

U Zakonu o ogranicenoj upotrebi duhanskih preradjevina ("Sluzbene novine Federacije BiH", broj 6/98), u clanu 3. u stavu 5. rijeci: "1, 2.i 3." zamjenjuju se rijecima: "1, 2, 3. i 4."

Clan 2.

U clanu 12. iza stava 2. dodaje se novi stav 3. koji glasi: "Zabrana prodaje iz stava 2. alineja 2. ovog clana ne odnosi se na automatske aparate, osim ako su smjesteni na aerodromima, u hotelima i nocnim barovima i ako su smjesteni u drugim zatvorenim prostorima, a nisu dostupni osobama mladim od 15 godina".

Clan 3.

U clanu 13. stav 1. u tacki 2. rijeci: "clana 3. st. 2. i 3." zamjenjuju se rijecima: "clana 3. st. 2, 3. i 4."

Clan 4.

U clanu 14. stav 1. u tacki 1. brisu se rijeci: "stavu 2."

Clan 5.

Ovaj zakon stupa na snagu narednog dana od dana objavljivanja u "Sluzbenim novinama Federacije BiH".

Predsjedavajući Doma naroda Parlamenta Federacije BiH Mariofil Ljubic, s. r.

Predsjedavajući Predstavničkog doma Parlamenta Federacije BiH Enver Kreso, s. r.